

Powšitkowne WOZJEWJENJA

njedźelu, 14. oktobra 2018

Přiležnosć k swjatej spowědźi w Róžeńce

sobotu, 27. oktobra 17.00 – 18.00 hodź.	farar M. Anders, farar B. Jakubaš farar D. Dzikiewicz, T. Dawidowski
póndźelu, 29. oktobra 17.00 – 18.00 hodź.	farar M. Anders, farar G. Warnar, farar D. Dzikiewicz, farar J. Magiera
wutoru, 30. oktobra 18.30 – 19.30 hodź.	farar M. Anders, farar D. Dzikiewicz, farar M. Kleiner, farar S. Foelz

Serbske kemše w Drježdžanach

Drježdžanscy Serbja, jich přiwuzni a přećeljo su na maćernorěčnu Božu mšu z fararjom Gabrišom Nawku njedźelu, 21. oktobra, w 16.30 hodź. do cyrkwy swjateho Antonija w Drježdžanach-Löbtauwje, Bünauska dróha 10, přeprošeni. Po kemšach sčěhuje serbska bjesada w tamnišej wosadnicy.

Zetkanje putnikow w Baćonju

Wobdźělnicy putniskeje jězby spočatk pražnika do Słowakskeje su přeprošeni na zetkanje do Baćonja štwórtk, 18. winowca, w 19.30 hodź. k Božej mši a k naslědnemu wobhladanju widejoweje prezentacije sobuputnika Bosćija Handrika na farje.

Kermuška w Chróšćicach

Wšitcy katolscy serbscy młodostni su wutrobnje na kermušku Chróšćanskeje wosadneje młodžiny přeprošeni. Tuta budže pjatk, 26. winowca. Započatk je w 19.00 hodź. z Božej mšu w cyrkwi. Přizamknje so zabawa.

Seminar k přihotej na mandželstwo

Přizjewjenja za seminar k přihotej na sakrament mandželstwa wot pjatka do soboty, 30. nowembra do 1. decembra, w Smochćicach přijimuju pisomnje hač do srjedy, 7. nowembra, w Dekanatnym dušepastyrstwje we Worklecach. Formulary k tomu su w cyrkwjach wupožžene.

Eksercicije za Serbow – Boži Duch wožiwja

Kotry duch nas wjedže? Mje wosobinsce, moju swójbu, w powołanju, w towaršnosći, w tutym času? Wo tutech prašenjach budu na eksercicijach za Serbow wot pjatka, 9. nowembra, wječora hač do njedźele, 11. nowembra, připołdnja rozmyslować. Dny rozpominanja chcedža pomhać rozeznawać mjez žiwjenja spomóžnym a žiwjenja strašnym duchom, mjez dobrymi časowymi prudami a tymi, kotrež žiwjenje niča. Přizjewjenja přijimuju pak direktnje w Exerzitienhaus HohenEichen, Dresdner Str. 73, 01326 Dresden, info@haus-hoheneichen.de, telefonowe čisło (03 51) 2 61 64 10 abo w Chróšćicach na farje, telefonowe čisło (03 57 96) 8 04 00.

Smochčanske jewiščo

Dom biskopa Bena w Smochćicach přepróšuje sobotu, 20. oktobra, w 19.30 hodž. na koncert „Tango – Musette – Klezmer“ z duom „acuerdo“. Berlinskaj hudźbnikaj Anja Dolak, akordeon, a Bernhard Hariolf Suhm, violoncelo, zanjesetaj mjez druhim tradicionelny argentinski tango, francoski ludowy walčik a klezmerowe kruchi.

Wustajeńca z fotami wo katolskich Serbach

Fotowu wustajeńcu „Heimat / Domizna“ Andreasa Varnhorna, kotraž bě hač do nje-dawna w Budyskim Serbskim domje widžeć, móža sej zajimcy nětko w Smochčanskim Domje biskopa Bena wobhladać. Fotograf z Frankobroda nad Mohanom je 1992 Hornju Łužicu wopytał a předewšěm katolskich Serbow při najwšelakorišich přiležnosćach, nałožkach a swjedženjach fotografował. Loni je jich po 25 lětach znowa wopytał, jich wospjet ze swojim fotoaparatom zapopadnył a so při tym prašal, kak je so jim mjeztym zešlo. Wustajeńca skići zajimawy wid na nowše serbske stawizny. Prezentacija z fotami a tekstami wostanje hač do nowembra w Smochćicach. Rozrjadowana je wona tam do třoch dželow – we hłownym domje, w bróžni a w cyrkwi swjateho Bena. Wopytwarjo, kotřiž chcyli sej wustajeńcu wobhladać, měli so w recepciji domu přizjewić. Tuta je wšědnje wodnjo wotewrjena.